

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama BiH („Službeni glasnik BiH“, broj 39/14, 59/22 i 50/24), te na osnovu preporuke Komisije za nabavke, a nakon provedenog konkurentskog zahtjeva za dostavu ponuda za javnu nabavku roba, direktor donosi:

O D L U K U

o izboru najpovoljnijeg ponuđača

Član 1.

Prihvata se preporuka Komisije za nabavke, te se ugovor za javnu nabavku roba – **Nabavka novog putničkog motornog vozila**, dodjeljuje ponuđaču **BERLIJETA D.O.O. iz Visokog (JIB: 4218061370005)**, koji je, nakon provedene e-aukcije, dostavio najpovoljniju ponudu u vrijednosti od **37.777,78 KM bez PDV-a**, odnosno **44.200,00 KM sa PDV-om**.

Član 2.

Ova Odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

Član 3.

Ova Odluka objavit će se na web-stranici ugovornog organa (www.trag.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-11-270-1/2025 od 28.10.2025. godine.

Postupak nabavke je proveden putem konkurentskog zahtjeva za dostavu ponuda, a za koji je obavještenje o nabavci broj: 34968-7-1-28-3-9/25 objavljeno na Portalu javnih nabavki dana 28.10.2025. godine.

Postupak javne nabavke provela je Komisija za nabavke imenovana Rješenjem broj: 05-11-270-2/2025 od 28.10.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da nije bilo neblagovremenih ponuda;
- da je 1 (jedna) ponuda neprihvatljiva;
- da su 2 (dvije) ponude prihvatljive.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač **BERLIJETA D.O.O. iz Visokog (JIB: 4218061370005)**, nakon provedene e-aukcije, dostavio ponudu sa najnižom cijenom, a koja je u okviru procjenjene vrijednosti predmetne nabavke.

Detaljno obrazloženje razloga za izbor najpovoljnijeg ponuđača, navedeno je u Zapisniku o pregledu i ocjeni ponuda i Zapisniku nakon provedene e-aukcije koji se uz ovu Odluku dostavljaju svim ponuđačima koji su učestvovali u postupku nabavke.

Obzirom da je kriterij za dodjelu ugovora „najniža cijena“ odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema ove Odluke.

DOSTAVLJENO:

1. Odjel za finansijske i administrativne poslove
2. Ponuđači (putem e-maila)
3. a/a

DIREKTOR

Amra Hamzić, MA

